

寧雅堂藏書

奧雅堂叢書

聲

類

錢竹汀先生所箸聲類四卷蒐羅比櫛於小學大有裨益惟不載潛研堂叢書中鄉先達汪芝亭先生得其稿本曾刻之皖江而傳印未廣并版亦散失良可惜也余家所藏有汪氏初印本因思先生於形聲訓故之學最稱邃密凡所撰箸海內莫不寶之此書雖卷帙無多而沾丐已衆乃嘉惠之靈有晁同志之士必有願見而不可得者爰卽以原書上木致期告成以公諸世云道光己酉八月江甯陳士安埏識

右聲類四卷 國朝錢大昕撰按大昕字曉徵一字辛
楣又號竹汀嘉定人事蹟著撰具見阮文達 國朝儒
林傳稿考江鄭堂漢學師承記稱先生不專治一經而
無經不通不專攻一藝而無藝不精經史之外如唐宋
元明詩文集小說筆記自秦漢以及宋元金石文字
皇朝典章制度滿漢蒙古氏族皆研精究理學貫天人
博綜羣籍自開國以來蔚然一代儒宗也以漢儒擬之
當在高密之下卽賈逵服虔亦瞠乎後矣云云是書其
門人汪恩跋稱當時止輯以備用故其說散見於所著

廿二史攷異金石跋尾養新錄諸書中而此書藏之篋
笥考洪稚存卷施閣集有讀書倦後偶題齋壁詩自注
時正寄書錢少詹索所作聲類則同時名流已甚重此
書矣又養新錄有聲類韻集一條至於尋詩推韻良爲
疑混末有李登聲類呂靜韻集始別清濁纔分宮羽自
注封氏聞見記魏時有李登者撰聲類十卷凡一萬一
千五百二十字以五聲命字不立諸部固與是書義例
迥殊體用各判不知何以定襲其名也潛研堂叢書未
及載而道光乙酉己酉兩開雕焉流佈仍恐未廣特重

梓之咸豐壬子長至後六日南海伍崇曜謹跋

聲類總目

卷一

釋詁

釋言

釋訓

釋語

卷二

釋天

釋地

釋器

釋草

釋鳥

釋蟲

釋獸

讀之異者

卷三

文之異者

方言

名號之異

姓之異者

卷四

古讀

音譌

同音通用

音近通用

形聲俱遠

字形相涉之譌

聲類卷一

嘉定錢大昕竹汀述

釋詁

介隔也 左傳偁介之關

慶羌也 班固賦慶未得其云已師古曰慶發語辭讀

與羌同

嗛慙也 史記文帝紀天下人民未有嗛志漢書作慙

耆彊也 左傳不懦不耆

邱區也 釋名九邱九區也區別九州土氣教化

所宜施者也

鼎當也 漢書匡衡傳無說詩匡鼎來服虔曰鼎猶言

當也蓋言匡且來也

乃難也 公羊傳乃者何難也

圖度也 釋名

悛次也 左傳外內以悛

抑遏也 史記河渠書禹抑鴻水索隱云抑者遏也漢

書作堙

弟地但也 史記五帝本紀顧弟弗深考徐廣云弟但

也漢書陳勝傳注漢書言弟者甚衆弟但也語有緩急耳今俗人語稱但者急言之則音如弟矣丙吉傳西曹地忍之李奇曰地猶弟也師古曰地亦但也語聲之急耳

聊俚賴也 張衡思元賦怒鬱悵其難聊李善注引賈逵曰聊賴也漢書季布傳其畫無俚之至耳晉灼引揚雄方言云俚聊也許慎云賴也爲其計畫無所聊賴至於自殺耳說文俚聊也

孽疑也 漢書晁錯傳通關去塞不孽諸侯如淳說

業危也

詩有震且業毛氏說

駮突也

詩混夷駮矣毛氏說

契開也

詩爰契我龜毛氏說

假固也

詩假哉天命毛氏說

革更也

詩不長夏以革

度投也填也

詩度之薨薨鄭說韓詩度填也

葱蒼也

詩有瑋葱珩

苞本也

詩如竹苞矣

正書也

詩噲噲其正鄭氏說

騫虧也 詩不騫不崩

贅屬也

下之欲切

書傳略說太王亶父贅其耆老而問之

孟子作屬

昧冒也 左傳楚王是故昧于一來注猶貪冒

采冒也 詩采入其阻鄭氏說

畿疆也 詩邦畿千里

嘻和也

上曉下匣

詩噫嘻成王毛氏說

旻稷側也 史記趙世家秦昭王名稷世本云名側易

日中則旻孟喜本作稷春秋日下旻穀梁作下稷尙

書中候握河紀至于日稷鄭注云讀曰側

僦載也 史記平準書天下賦輸或不償其僦費索隱

云服虔謂載云僦言所輸物不足償其雇載之費也

將側也 詩在渭之將毛傳文

濟止也 莊子厲風濟則衆竅爲虛郭象說

簞倅也 左氏傳僖子使助蘧氏之簞注簞副倅也

昨暫也

仕詐反

左傳桓子昨謂林楚

竝旁也

閒干也 聘禮記馬皮相閒可也古文閒作干

干澗也 詩秩秩斯干傳文又考槃在澗韓詩作干

輶輶也 漢書楚元王傳陽爲羹盡輶釜輶輶也服虔

說輶音洛又音厯

灑蕤也 史記周本紀剽辟疑赦其罰倍灑徐廣曰一

作蕤五倍曰蕤

每冒也 史記伯夷列傳衆庶馮生索隱云鄒誕生作

每生每者冒也冒卽貪之義

概格也 史記韓非傳自多其力則無以其難概之

童獨也 易童蒙馬融云童猶獨也

羨

古讀如衍

餘也

詩四方有羨傳餘也

史記貨殖傳時

有奇羨索隱云羨羊戰反謂時有餘衍也

爰易也

左傳晉於是乎作爰田服虔孔晁皆訓爰爲

易

脅翕也

漢書王莽傳動靜辟脅萬物生焉師古曰脅

收斂也易上繫之辭曰夫坤其動也闢其靜也翕是

以廣生焉翕脅聲相近義則同

董督也

左傳注

葳敕也

左傳以葳陳事賈服杜皆訓敕